

INUIT ATAQATIGIIT INATSISARTUNI



4. september 2023

Inatsisartut Suleriaasianni § 37 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Air Greenland-ip angalanermut akigititai Naalakkersuisunit naleqquttutut isigineqarpat?**
- 2. Air Greenlandip pisiarineqarnerani innuttaasunut sunik iluaqusiinersoq takussutissaateqartoqarpa? A) Angallanermi akitigut apparsaasoqarpa? B) Angallanermi periarfissat nunaqavissut pisariaqartitaannut naleqqussarneqarsimappat?**
- 3. Air Greenlandip sulisui Narsarsuarmiittut Kangerlussuarmiittut mittarfissuit Nuummi, Ilulissani, Qaqortumilu nunap iluani mittarfiup naammassineqarnerani qanoq iliorneqassappat? A) Soraarsitaaginnassappat? Imaluunniit suliffimik allamik neqeroorfigineqassappat?**
- 4. Naalakkersuisut Air Greenlandip angallanermut akigititai innuttasunit akissaqarfigineqarluarnerulernissaat anguniarlugu sulissuteqartoqarnerisik ilisimasaqarpat?**
5. (Inatsisartunut Ilaasortaq Mariane Paviasen, Inuit Ataqatigiit)

Tungavilersuut: Air Greenlandip akigititai ulluinnarni innuttaasunut naliginnaasumik S.I.K-malillugu isertitaqartunut inornartutut oqaatigisariaqarput, tassanngaanaq pisoqartillugu illoqarfimmut allamut aallariaasaarsinnaaneq akisoorujussuuvoq, assersuutigalugu Narsarmiit Qaanaammut pilertortumik pisariaqartumillu angalasariaqaleraanni ilaqtariilluni siumut utimullu akia: 89.400-kr-nit pallillugit akeqarsinnaavoq. Tamanna ilumut taamaattussaannartut isigineqassanersoq imaluunniit

INUIT ATAQATIGIIT INATSIARTUNI



allanngortittariaqarnersoq Naalakkersuisut isaanniit paaserusunnarpoq. Air Greenland-i nunatta tamakkiisumik pigilermassulli innuttaasut angalaniarnermikkut ajornannginnerusumik periarfissaqalernissaannik akikinnerusumillu angalasinnaalernissaannik neriuuteqarsimagaluarneq suli piviusunngunngilaq, inuiaqatigiit pigisaat pitsaannerusumik ulluinnarni atuisunut periarfissiinissaa pisariaqaraluarpoq, ingammik tassanngaanartumik ajornartoornermi pisoqartillugu.

Air Greenlandip sulisuminut atugassarititai pitsaasuupput, amigaatiginartorli tassaavoq inuiaqatigiit aamma pitsaasumik angallannikkut periarfissaqalernissaat anguniarneqartariaqaraluartoq. Naggataagut mittarfissuit atuutilerpata Air Greenlandip sulisui qanoq iliuuseqarfiginiarneqarnersut paaserusunnarpoq, Mittarfeqarfiimmi sulisuminik illoqarfinni allani sulisorinnilernissaminut perusuttunut periarfissiilluni nalunaarnikuuvoq tamanna Air Greenlandimi qanoq innersoq paaserusunnarpoq.